

摘藻堂四庫全書薈要

集部

欽定四庫全書蒼要卷一萬七千九百七十八

集部

御定全唐詩卷五百七十三

賈島

寄令狐綯

一本無綯字

相公

梁園趨戟節海草幾枯春風水難遭便差池未振鱗
姓名猶語及門館阻何因苦擬修文卷重擊獻匠人
吟看青島處朝退赤墀晨根愛杉栽活枝憐雪霰新
綴篇嗟調逸不和揣才貧早晚還霖雨滂沱洗月輪
耨苗方滅

裂成器待陶鈞困坂思迴顧迷邦輒問津數行望外札
絕句握中珍是日榮遊汴當時怯往陳鴻舂乖漢爵楨
病臥漳濱嶽整五千仞雲惟一片身故山離心一作未死
秋水宿經旬下第能無恧高科恐有神罷耕田料廢省
釣岸應榛慷慨知音在誰能淚墮巾

寄滄州李尚書

滄溟深絕濶西岸郭東門弋者羅夷鳥杼人思嶠猿威
稜高臘冽煦育極春溫陂淀封疆內蒹葭壁壘根搖鞞

邊地脈愁箭虎狼魂水縣賣紗市鹽田煮海村枝條分
御葉家世食唐恩武可縱橫講功從戰伐論天涯生月
片嶼頂湧泉源非是泥池物方因一作應雷雨尊沈謀藏
未露隣境帖無喧青塚驕回鶻蕭關隘吐蕃何時霖歲
早早晚雪邦寬迢遞瞻旌纛浮陽寄詠言

逢舊識

幾歲阻干戈今朝勸酒歌羨君無白髮走馬過黃河舊
宅兵燒盡新宮日奏一作奉多妖星還有角數尺鐵重磨

崇聖寺斌公房

斌公一作彬公

近來惟一食樹下掩禪扉
落日寒山磬多年壞衲衣
白鬚長更剃青靄遠還歸
仍說遊南嶽經行是息機

送李傅侍郎

一作御

劍南行營

走馬從邊事新恩受外臺
勇看雙節出期破八蠻回
許國家無戀盤江棧不摧
移軍刁斗逐報捷劍門開
角咽獼猴叫輦乾霹靂來
去年西甸邑猶滯佐時才

別徐明府

一作甫

抱琴非本意生事偶相縈口尚表安節身無子賤名地
寒春雪盛山淺夕風輕百戰餘荒野千夫漸耦一作耕
一杯宜獨夜孤客戀交情明日疲驂去蕭條過古城

岐下送友人歸襄陽

蹉跎隨汎梗羈旅到西州舉翮籠中鳥知心海上鷗山

光分首

一作手

暮草色向家秋若更登高峴看碑定淚流

送友人遊蜀

萬岑深積翠路向此中難欲暮多羈思因高莫遠看卓

家人寂寞揚子業凋殘唯有岷江水悠悠帶月寒

送鄭少府

江岸一相見空令惜此分夕

一作滄

陽行帶月酌水少留

君野地初

一作多

燒草荒山過雪雲明年還調集蟬可在

家聞

子規

一作項斯詩

遊魂自相叫寧復記前身飛過隣家月聲連

一作憐

野路

一作寺

春夢邊催曉急愁處送風頻自有露花血相和雨

滴新

送僧歸天台

辭秦經越過歸寺海西峰石礧雙流水山門九里松曾
聞清禁漏却聽赤城鐘妙字

一作字

研磨講應齊智者蹤

讓紉曹上樂使君

戰戰復兢兢猶如履薄冰雖然叨一掾還似說三乘瓶
汲南溪水書來北嶽僧
驚愚兼抱疾權紀不相應

贈友人

五字詩成卷清新韻具

一作少得

偕不同狂客醉自伴律僧

齋春別和花樹秋辭帶月淮却歸登第日名近榜頭排

送雍陶及第歸成都寧親

一作親

不惟詩著籍兼又賦知名議論於題稱春秋對問精半

應陰隲與全賴有司平歸去峯

一作巖

巒衆別來松桂生

漲江流水品

一作凸

當道白雲坑勿以攻文捷

一作健

而將

學劍輕製衣新濯錦開醞舊燒罌同日昇科士誰同膝

下榮

謝令狐綯

一本無綯字

相公賜衣九事

長江飛鳥外
主簿跨驢歸
逐客寒前夜
元戎子厚衣
雪來松更綠
霜降月彌輝
即日一作入調殷鼎
朝分是與非

送金州鑒周上人

地

一作池

必尋天目溪
仍住若耶帆
隨風便發月
不要雲

遮極浦
浮霜雁迴潮
落海查
峩嶭省
春上立
雪指流沙

送譚遠上人

下視白雲時
山房蓋

一作掛

樹皮垂

一作雪

枝松落子側

一作

佛頂鶴聽棋清淨從沙劫中終未日敬金光明本行同
侍出峩嶠

新年

嗟以龍鍾身

一作純

如何歲復新石門思隱久銅鏡強窺

頻花發新移樹心知故國春誰能平此恨豈是北宗人

送僧

出家從卅歲解論造玄門不惜揮談柄誰能聽至言中
時山果熟後夏竹陰繁此去逢何日峩嶠曉復昏

送姚杭州

白雲峯下城日夕白雲生人老江波

一作魚江

釣田侵海樹

耕吳山鍾入越蓮葉吹搖旌詩異石門思濤來向越

一作

遠迎

一作閣上迎

夜集田卿宅

朗詠高齋下如將古調彈翻鴻向桂水來雪渡桑乾滴
滴玉漏曙脩脩竹籟殘曩年曾宿此亦值五陵寒

寄山友

一作中

長孫棲嶠

此時氣蕭颯

一作瑟

琴院可應關鶴似君無事風吹雨遍

山松生青石上泉落白雲間有徑連高

一作嵩

頂心期相

與還

訓厲玄

我來從北鄙子省涉

一作度

西陵白髮初相識秋山擬共

登鄰居帝城雨會宿御溝冰未報見

一作君

貽作耿然中

夜興

送劉式洛中覲省

晴峯三十六侍立上春臺同宿別離恨共看星月迴野
鶯臨苑語河槿歷江來便寄相思札緘封花下開

送空公往金州

七百里山水手中柳栗廕松生師坐石潭滌祖傳孟長
擬老嶽嶠又聞思海湖惠能同俗姓不是嶺南廬

贈紹明上人

未住青雲一作龍室中秋獨往年上方嵩若一作古寺下視

雨和一作如烟祖豈無言去心因斷臂傳不知能已後更

有幾燈然

贈弘泉上人

洗足下藍嶺古師精進同心知溪卉長居此玉林空西
殿宵燈磬東林曙雨風舊峯鄰太白石座雨苔濛

送宣皎上人遊太白

剃髮鬢無雪去年三十三山過春草寺磬度落花潭得
句才鄰約論宗意在南峯靈疑懶下蒼翠太虛參

病起

高

一作嵩

丘歸未得空自責遲迴身事豈能遂蘭花又已

開病令新作少雨阻故人來燈下南華卷祛愁當酒杯

送殷侍御赴同州

馮翊蒲西

一作連

郡沙岡擁地形中條全離嶽清渭半和

涇夜暮

一作久

眠明月秋深

一作新

至洞庭猶來交辟士

一作

由來交臂者

事別

一作事

偃林局

送沈鶴

家楚壻於秦攜妻去養親陸行千里外風卷一帆新夜

泊疏山雨秋吟搗藥輪蕪城登眺作一作後才動廣陵人

秋夜仰懷錢孟二公琴客會

月色四時好秋光君一作吾子知南山昨夜雨爲我寫一作

寄清規獨鶴聳寒骨高杉韻細颺仙家縹緲弄髣髴此

中期

贈李金州

綺里祠前後山程踐白雲沂流隨大旆登岸見全軍曉
角吹人夢秋風卷雁羣霧開方露日漢水底一作與沙分

酬姚合

一本無合字

校書

因貧行遠道

一作遠道

得見舊交遊美酒易傾盡好詩難卒

酬公堂朝共到私第夜相留不覺入關曉別來林木秋

送獨孤馬二秀才居明月山讀書

濯志俱高潔儒科慕冉顏家辭臨水郡雨到讀書山棲

鳥梭花上聲鐘磔

一作磔

閣間寂寥窗外時見一舟還

病蟬

病蟬飛不得向我掌中行拆翼猶能薄酸吟尚極清露

華凝在腹塵點誤侵晴黃雀并

一作兼

鳶

一作鳥

鳥俱懷害爾情

青門里作

燕存鴻已過海內幾人愁欲問南宗理將歸北嶽修若
無攀桂分祇是臥雲休泉樹一爲別依稀三十秋

盧秀才南臺

居在青門里臺當千萬岑下因岡助勢上有樹交陰陵
遠根纔近

一作辨

空長畔可尋新晴登嘯處

一作月

驚起宿

枝禽

寄李翰侍郎

終過盟津書分明夢不虛人從清渭別地隔太行餘賓
幕誰嫌靜公門但晏如搦鞞乾霹靂斜漢溼蟾蜍追琢
垂今後敦龐得古初井臺憐操築漳岸想丕疏亦冀鏗
珉珮終當直石渠此身多抱疾幽里近營居憶漱蘇門
澗經浮楚澤瀦松栽侵古影葦斷尚芹菹語嘿曾延接
心源離滓淤誰言姓琴氏獨跨角生魚

寄令狐綯

一本無綯字

相公

驢駿勝羸馬東川路匪賒一緘論賈誼三蜀寄嚴家澄
澈霜江水分明露石沙話言聲及政棧閣谷離斜自著
衣偏暖誰憂雪六花裘裳留潤襪防患與通茶山館中
宵起星河殘月華雙僮前日雇數口向天涯良樂知騏
驥張雷驗鑿鄒謙光賢將相別紙聖龍蛇豈有斯言玷
應無白壁瑕不妨圓魄裏人亦指蝦蟆

再投李益常侍

何處初投刺當時赴尹京淹留花柳

一作木

變然諾肺腸

傾避暑蟬移樹高眠一作登高雁過城人家嵩嶽色公府洛
河聲聯句逢秋盡嘗茶見月生新衣裁白苧思從曲江
行

積雪

昔一作省屬時霖滯今逢臘雪多南猜飄桂渚北訝雨交

河盡滅平蕪色彌重古木柯空中離白氣島外下滄波
隱者迷樵道朝人冷玉珂夕繁仍晝密漏間復鐘和想
積高嵩頂新秋皎一作皓月過

過楊

一作陽

道士居

先生修道處，茆屋遠囂氛。
叩齒坐明月，搯頤望白雲。
精

神含藥色，衣服帶霞紋。
無話一作瀛洲路多年別，少君

贈僧

亂山秋木穴裏有靈蛇，
藏鐵錫挂臨

一作陵

海

一作錫挂
臨滄海

石樓聞異香，出塵頭未白。
入定衲凝霜，莫話五湖事。
令人心欲狂

送友人遊塞

飄蓬多塞下君見益潛然迴磧沙銜日長河水接天夜
泉行客火曉戍向京煙少結相思恨佳期芳草前

思遊邊友人

凝愁對孤燭昨日飲離杯葉一作鄴下故人去天中新雁

來連沙秋草薄帶雪暮山開苑北紅塵道何時見遠迴

秋暮寄友人

寥落關河暮霜風樹葉低遠天垂地外寒日下峯一作山

西有志煙霞切無家歲月迷清宵話白閣已負十一作數

年棲

寄令狐綯

一本無綯字

相公

官高頻

一作蒙明

敕授老免把犁鋤一主長江印三封東省

書不無濠上思唯食圃中蔬夢幻將泡影浮生事只如

和孟逸人林下道情

四氣

一作時

相陶鑄中庸道豈銷夏雲生此日春色盡今

朝陋巷貧無悶毘耶疾未調已栽天

一作毫

末柏合抱豈

非遙

宿姚少府北齋

石溪同夜泛復此北齋期鳥絕吏歸後蛩鳴客臥時
鑊城涼雨細開印曙鐘遲憶此漳川岸如今是別離

雪晴晚望

倚杖望晴雪溪雲幾萬重樵人歸白屋寒日下危峯
野火燒岡草斷烟生石一作松却回山寺路聞打暮天鐘

送崔嶠遊瀟湘

功烈尚書孫琢磨風雅言渡河山鑿處陟峴漢灘喧夢

想吟天目宵同話石門楓林葉欲下極浦月清曠

寄朱錫珪

遠泊與誰同來從古木中長江人釣月曠野火燒風夢
澤吞楚大閩山阨一作隱海叢此時檣底水濤起屈原通

馬戴居華山因寄

玉女洗頭盆孤高不可言瀑流蓮嶽頂河注華山根絕
雀林藏鷗無人境有猿秋蟾纔過雨石上古松門

寄胡遇

一自殘春別經炎復到涼螢從枯樹出蛩入破塔藏落
葉書勝紙閒砧坐當牀東門因送客相訪也何妨

送李戎扶侍往壽安

二千餘里路一半是波濤未曉著衣起出城逢日高關
山多寇盜扶侍帶弓刀臨別不揮淚誰知心鬱陶

送孫逸人

衣屨猶同俗妻兒亦宛然不餐能累月無病

一作疾

已多

年是藥皆諳性令人漸信仙杖頭書數卷荷入翠微煙

寄華山僧

遙知白石室松柏隱朦朧
月落看心次雲生閉目中
五更鐘隔嶽萬尺水懸空
苔蘚嵌巖所依稀有徑通

送李登少府

伊陽耽酒尉朗詠醉醒新
應見嵩山裏明年躑躅春
一
千尋樹直三十六峯鄰
流水潺潺處堅貞玉澗珉

易州過郝逸人居

每逢詞翰客邀我共尋君
果見閒居賦未曾流俗聞也

知鄰市井宛似出囂

一作塵

氛却笑巢由輩何須隱白雲

訓鄂縣李廓少府見寄

稍憐公事退復遇夕陽時北朔霜凝竹南山水入籬吟
懷滄海侶空問白雲師恨不相從去心惟野鶴知

淨業寺與前鄂縣李廓少府同宿

來從城上峯京寺暮相逢往往語復默微微雨灑松家
貧初罷吏年長畏聞蛩前日猶拘束披衣起曉鐘

送南卓歸京

殘春別鏡陂罷郡未霜髭行李逢炎暑山泉滿路岐雲
藏巢鶴樹風觸轉鶯枝三省同虛位雙旌帶去思入城
宵夢後待漏月沈時長策并忠告從容寫玉墀

一作池

臥疾走筆訓韓愈書問

一臥三四旬數書惟獨

一作書至獨思

君願爲出海月不作歸

山雲身上衣頻寄

一作蒙與

甌中物亦分欲知強健否病鶴

未離羣

長孫霞李溟自紫閣白閣二峯見訪

寂寞吾廬貧同來二閣人所論唯野事招作

一作訪我

住雲

鄰古寺期秋宿平林散早春漱流今已矣巢許豈堯臣
送惟一遊清涼寺

去有巡臺侶荒溪衆樹分瓶殘秦地水錫入晉山雲秋
月離喧見寒泉出定聞人間臨欲別旬日雨紛紛

鄭尚書新開涪江二首

岸鑿青山破江開白浪寒日沈源出海春至草生灘梓
匠防波溢蓬仙畏水乾從今疏決後任雨滯峯巒

不侵南畝務已拔北江流涪水方移岸潯陽有到舟潭
澄初擣藥波動乍垂鉤山可疏三里從知

一作惟應

歷億秋

寄喬侍郎

大寧猶未到曾渡北浮橋曉出爬船寺手擎紫栗條差
池不相見悵望至今朝近日營家計繩懸一小瓢

送去華法師

在越居何寺東南水路歸秋江洗一鉢寒日曬三衣默
聽鴻聲盡行看葉影飛囊中無寶貨船戶夜扃稀

送蔡京

躍蹄歸魯日帶漏別秦星易折芳條桂難窮
邃義經登封多秦嶽巡狩徧滄溟家在何林下
梁山翠滿庭

慈恩寺上座院

未委衡山色何如對塔峯曩宵曾宿此今夕值秋濃
羽族棲煙竹寒流帶月鐘井甘源起異泉湧漬苔封

題朱慶餘所居

天寒吟竟曉古屋瓦生松寄信船一隻隔鄉山萬重樹

來沙岸鳥窗度雪樓鐘每憶江中嶼更看城上峯

送黃知

一作和

新歸安南

池亭沈飲徧非獨曲江花地遠路穿海春歸冬到家火
山難下雪瘴土不生茶知決移

一作秋

來計相逢期尚賒

贈胡禪歸

自是根機鈍非闕夏臘深秋來江上寺夜坐嶺南

一作頭

心井鑿山含月風吹磬出林祖師攜

一作遺

隻履去路杳

難尋

元日女道士受籙

元日更新夜齋身稱淨衣
數星連斗出萬里斷雲飛
霜下磬聲在月高壇影微
立聽師語了左肘繫符歸

重與彭兵曹

故人在城裏休寄海邊書
漸去老不遠別來情豈疎
硯冰催臘日山雀到貧居
每一作美有平戎計一作策官家一作

蒙別敕

一作名除
敕盡

除

贈莊上人

不語焚香坐心知道已成流年衰此世定力見他生暮
雪餘春冷寒燈續晝明尋常五侯至敢望下階迎

落第東歸逢僧伯陽

相逢須語笑人世別離頻曉至

一作去

長侵月思鄉動隔

春見僧心暫靜從俗事多屯宇宙詩名小山河客路新
翠桐猶入爨清鏡未辭塵逸足思奔驥隨羣且退鱗宴
乖紅杏寺愁在綠楊津老病難爲樂開省賴故人

皇甫主簿期遊山不及赴

休官匹馬在新意入山中更住應難遂前一作相期恨不

同集蟬苔樹僻留客雨堂空深夜誰相訪惟當清淨翁

宿成湘林下

相訪夕陽時千株木未衰石泉流出一作幽谷山雨滴樓

鷗漏向燈聽數酒因客寢遲今宵不盡興更有月明期

喜雍陶至

今朝笑語同幾日百憂中鳥度劔門靜蠻歸瀘水空步

霜吟菊畔待月坐林東且莫孤此興勿論窮與通

酬胡遇

麗句傳人口科名立可圖移居見山燒買樹帶巢烏遊
遠風濤急吟清雪月孤却思初識面仍未有多鬚

宿慈恩寺郁公房

病身來寄宿自掃一牀閒反照臨江磬新秋過雨山竹
陰移冷月荷氣帶禪關獨住一作天台意方從內請還

送褚山人歸日本

一作東

懸帆待秋水

一作色

去入杳冥間東海幾年別中華此日

還岸遙生白髮波盡露青山隔水相思在無書也是閒

寄韓湘

過嶺行多少潮州漲

一作瘴

滿川花開南去後水凍北歸

前望鷺吟登閣聽猿淚滴船相思堪面話

一作語

不著尺

書傳

雨夜寄馬戴

芳林杏花樹花落子西東今夕曲江雨寒催朔北風鄉

書滄海絕隱路翠微通寂寂相思際

一作處

孤

一作紅

釭殘

漏中

喜無可上人遊山回

一食復何如尋山無定居相逢新夏滿不見半年餘聽
話龍潭雪休傳鳥道書別來還似舊白髮日高梳

寄毘陵徹公

身依吳寺老黃葉幾迴看早講林霜在孤禪隙月殘井
通潮浪遠鐘與角聲寒已有南遊

一作浮

約誰言禮謁難

送韋瓊校書

賓佐兼歸覲此行江漢心
別離從闕下道路向山陰
孤嶼消寒沫空城滴夜霖
若耶溪畔寺秋色共誰尋

寄劉侍御

衣多苔蘚痕猶擬更趨門

一作村

自夏雖無病經秋不過

原積泉留岱鳥

一作雁

疊岫

一作嶼

隔巴猿琴月西齋集如

今豈復言

送穆少府知睢州

劍門倚青漢君昔未曾過
日暮行人少山深異鳥多
猿

一作啼和峽雨棧盡到江波一路白雲裏飛泉灑薜蘿

二月晦日留別鄆一作中友人

立馬柳花裏別君當酒酣春風漸向北雲一作雁不飛

南明曉日初一今年月又三鞭羸去暮色遠嶽起煙嵐

送李校書赴吉期

筮算重重吉良期詎可遷不同牛女夜是配鳳凰年佩
玉春風裏題章蠟燭前詩書與箴訓夫哲又妻賢

宿孤館

落日投村戍，愁生爲客途。一作春山晴後綠秋，一作江月

夜來

一作深

孤橋樹千株，在漁家一半無。自知風水靜，舟

繫岸邊蘆。

哭宗密禪師

鳥道雪岑巔，師亡誰去禪。凡塵增減後，樹色改生前。層
塔當松吹，殘蹤傍野泉。唯嗟聽經虎，時到壞菴邊。

宿山寺

衆岫聳寒色，精廬向此分。流星透疎木，走月逆行雲。絕

頂人來少高松鶴不羣一僧年八十世事未曾聞

送友人如邊

去日重陽後前程菊正芳
行車輒秋嶽落葉墜寒霜
雲入漢天白風高積色黃
蒲輪待恐晚求薦向諸方

題竹谷上人院

禪庭高鳥道迴望極川原
樵徑連峯頂石泉通竹根
木深猶積雪山淺未聞猿
欲別塵中苦願師貽一言

京北原作

登原見城闕策蹇思炎天日午路中客槐花風處蟬遠

山秦木

一作樹

上清渭漢陵前何事居人世皆從

一作因

名

利牽

寄江上人

紫閣舊房在新家中嶽東煙波千里隔消息一朝通寒

日汀洲路秋晴島嶼風分明杜陵葉別後兩

一作雨

經紅

送僧歸太白山

堅冰連夏處太白接青天雲塞石房路峯明雨外巔夜

禪臨虎穴寒漱撇龍泉後會不期日相逢應信緣

暮過山村

數里聞寒水山家少四鄰怪禽啼曠野落日恐行人初
月未終夕邊烽不過秦蕭條桑柘外煙火漸相親

鷺鷥

求魚未得食沙岸往來行島月獨棲影暮天寒過聲墮
巢因木折失侶遇弦驚頻向煙霄望吾知爾去程

內道場僧弘紹

麟德燃香請長安春幾回夜間

一作寒

同像寂畫定爲吾

開講罷松根老經浮海水來六年雙足履只步院中苔

蔣亭和蔡湘州

蔣宅爲亭榭蔡城東郭門潭連秦相井松老漢朝根已
積蒼苔徧何曾舊徑存高齋無事後時復一攜尊

光州王建使君水亭作

楚水臨軒積澄鮮一畝餘柳根連岸盡荷葉出萍初極
浦清相似幽禽到不虛夕陽庭際眺槐雨滴疎

一作稀
疎

留別光州王使君建

一本無建字

杜陵千里外期在末秋歸
既見林花落須防木葉飛
楚從何地盡淮隔數峯微
迴首餘霞失斜陽照客衣

宿姚合宅寄張司業籍

一本無籍字

閒宵因集會

一作集

柱史話先生身愛無一事
心期往四

明松枝影搖動石磬響寒清
誰伴南齋宿月高霜滿城

哭張籍

精靈歸恍惚石磬韻曾聞
即日是前古誰人耕此墳
舊

遊孤擢

一作枕

遠故域九江分
本欲蓬瀛去餐芝御白雲

靈準上人院

掩扉當太白臘數等松椿
禁漏來遙

一作遲

夜水泉落近

鄰經聲終卷曉草色幾芽春
海內知名士交遊準上人

寄柳舍人宗元

一本無宗元二字

格與功俱造何人意不降
一宵三夢柳孤泊九秋江擢
第名重列冲天宇幾雙誓爲仙者僕
側執馭風幢

送玄巖上人歸西蜀

玉壘山中寺幽深勝槩多藥成彭祖擣頂受七輪摩去

臘催今夏流光等逝波會當依糞掃

一作草

五嶽徧頭陀

寄宋州田中丞

古郡近南徐關河萬里餘相思深夜後

一作雨

未荅去秋

一作年書自別知音少難忘識面初舊山期已久門掩數

畦蔬

送朱休歸劔南

劔南歸受賀太學賦聲雄山路長江岸朝陽十月中芽

新抽雪茗枝重集猿楓卓氏琴臺廢深蕪想徑通

寄長武朱尚書

不日即登壇槍旗一萬竿角吹邊月沒鼓絕爆雷殘中
國今如此西荒可取難白衣思請謁徒步在長安

送皇甫侍御

曉鐘催早朝自是

一作
獨自

赴嘉招舟泊湘江濶田收楚澤

遙雁驚起衰草爓渴下寒條來使黔南日時應問寂寥

郊居即事

住此園林久其如未是家
葉書傳野意簷溜煮胡茶
雨後逢行鷺更深聽遠蛙
自然還往裏多是愛煙霞

夜集姚合宅期可公不至

公堂秋

一作春
一作初

雨夜已是念園林
何事疾病日重論山

水心孤燈明臘後微雪下
更深釋子乖來約
泉西寒磬音

喜李餘自蜀至

迢遞岷峩外西南驛路高
幾程尋嶮棧獨宿聽寒濤
白

鳥飛還立青
猿斷更號往來從此過
詞體近風騷

王侍御南原莊

買得足雲地
新栽藥數窠
峰頭盤一徑
原下注雙河
春寺閒眠久
晴臺獨上多
南齋宿雨後

一作夜

仍許重來麼

一作過

送康秀才

俱爲落第年
相識落花前
酒瀉兩三盞
詩吟十數篇
行岐逢塞雨
嘶馬上津船
樹影高堂下
迴時應有蟬

送僧

此生披衲過在世得身閒
日午遊都市天寒往華山
言歸文字外意出有無間
仙掌雲邊樹巢禽時出關

寄魏少府

來時乖面

一作傷遠

別終日使人慙
易記卷中句難忘
燈下

談溼苔黏樹癭瀑布濺
房菴音信如相惠
移居古井南
原居即事言懷贈孫員外

出入土門偏秋深石色
泉徑通原上草地接水中
蓮採

茵依餘枿拾薪逢刈田
鑷得白髮斷兵阻尺書傳避路
來華省抄詩上彩牋
高齋久不到猶喜未經年

登樓

秋日登高望涼風吹海初
山川明已久河漢沒無餘遠

近涯寥夔

一作廊

高低中太虛賦因王閣筆思比謝遊疎

上樂使君救康成公

一作陳陶
續古詩

曾夢諸侯笑康囚議脫枷
千根池裏藕一朶火中花

昆明池泛舟

一枝青竹榜泛泛綠萍裏不見釣魚人漸入秋塘水

送僧

大內曾持論天南化俗行
舊房山雪在春草岳陽生
曉了蓮經義堪任寶蓋迎
王侯皆護法何寺講鐘鳴

送劉知新往襄陽

此別誠堪恨荆襄是舊遊
眼光懸欲落心緒亂難收
花木三層寺煙波五一作伍相樓
因君兩地去長使夢悠悠

寄慈恩寺郁上人


中秋期夕望虛室省相容北斗生清漏南山出碧重露
寒鳩宿竹鴻過月圓

一作
懸

鐘此夜情應切衡陽舊住峯



御定全唐詩卷五百七十三



總校官庶吉士臣張能照

校對官檢討臣蕭九成

謄錄監生臣朱文佐

欽定四庫全書會要

集部

御定全唐詩卷五百七十七

四至
七

詳校官原任主事 臣 李斯咏

欽定四庫全書蒼要卷一萬七千九百七十九

集部

御定全唐詩卷五百七十四

賈島

送饒州張使君

雲雨連城闕去路西江白浪頭
滁上郡齋離昨日
鄱陽農事勸
今秋道心生
向前朝寺文思來
因靜夜樓
借問泊帆干謁者誰人曾聽峽猿愁

觀冬設上東川楊尚書

匏革奏冬非獨樂軍城未曉啟重門何時却一作去入三

台貴此日空知八座尊羅綺舞中一作時收雨點貌貅閩

外卷雲根逐遷屬吏隨賓列撥一作去擢扁舟不忘恩

巴興作

三年未省聞鴻叫九一作臘月何曾見草枯寒暑氣均思

白社星辰位正憶皇都蘇卿持節終還漢葛相行師自
渡瀘鄉味朔山林果別北歸期挂海帆孤

早蟬

早蟬孤抱芳槐葉噪向殘陽意度秋也任一聲催我老
堪聽一作憐兩耳畏吟休得非下第無高韻須是青山隱
白頭若問此心嗟嘆否天人不可怨而尤

投元郎中

心一作秋在瀟湘歸未期卷中多是得名詩高臺聊望清

秋色片水堪一作難留白鷺鷺省宿有時聞急雨朝迴盡

日伴禪師舊文去歲曾將獻蒙與人來說始知

阮籍嘯臺

如聞長嘯春風裏荆棘叢邊訪舊蹤地接蘇門山近遠
荒臺突兀抵高峯

滕校書使院小池

一本無
上三字

小池誰見鑿時初走水南來十里餘樓上日斜吹暮角
院中人出鎖遊魚

送陝府王建

一本無
建字

司馬

司馬雖然聽曉鐘尚猶高枕恣踈慵請詩一作持僧過三

門水賣藥人歸五老峰移舫綠陰

一作萍

深處息登樓涼

夜此時逢杜陵惆悵臨相

岐一作

餞未寢月前多屐

履一作

蹤

上谷旅夜

世難那堪恨旅遊龍鍾更是對窮秋故園千里數行淚
鄰杵一聲終夜愁月到寒窗空皓皛風翻落葉更颼颼
此心不向常人說倚識平津萬戶侯

寄無得頭陀

夏臘今應三十餘不離樹下塚間居貌堪良匠抽毫寫

行稱高僧續傳書落澗水聲來遠遠當空月色自如如
白衣只在青門裏心每相親跡且疎

崔卿池上雙白鷺

鷺雛相逐出深籠頂各有絲莖數同灑石多霜移足冷
隔城遠樹挂巢空其如盡在灘聲外何似雙飛浦色中
見此池潭一作塘卿自鑿清泠太液底潛通

送胡道士

短褐身披滿漬

一作野一作翠

苔靈溪深處觀門開却從城裏

移

一作攜

琴去許到山中寄藥來臨水

一作灑雷

古壇秋醮罷

一作後

宿杉

一作松

幽

一作啄查寒

鳥夜

一作暮

飛迴丹梯願逐真

人上

一作地空勞想未遊彼

日夕歸心白髮催

一作師往如雲不可陪

寄韓潮州愈

此心

一作身

曾與木蘭舟直到天南潮

一作湖

水頭隔嶺篇

章來華岳出關書信過瀧流峰懸驛路殘雲斷海浸城

根

一作闌

老樹秋一夕瘴烟風卷盡月明初上浪西樓

訓張籍王建

疎林荒宅古坡

一作破

前久住還因太守憐漸老更思深

處隱多閒數得上方眠鼠拋貧屋收田日鴈度寒江擬

一作撒雪天身是

一作事

龍鍾應是分水曹芸閣枉來篇

逢博陵故人彭兵曹

曲陽分散會京華見說三年住海涯別後解餐蓬藟子

向前未識牡丹花偶逢日者教求祿終傍泉聲擬置家

蹋雪攜琴

一作衾

相就宿夜深開戶斗牛

一作月光

斜

贈牛

一作劉

山人

二十年中餌茯苓致書

一作身

半是老君經東都舊住商

人宅南國新修道士亭鑿石養蜂休買蜜坐山秤藥不
爭星古來隱者多能卜欲就先生問丙丁

送于中丞使回紇冊立

君立天驕發使車冊文字字著金書漸通

一作過

青塚鄉

山盡欲達皇情譯語初調角寒城邊色動下霜秋磧鴈
行疎旌旗來往幾多日應向途中見歲除

送劉侍御重使江西

時當苦熱遠行人石壁飛泉濺馬身又到鍾陵知務大
還浮湓浦屬秋新早程猿叫雲深極宿館禽驚葉動頻
前者已聞廉使薦兼言有畫靜邊塵

贈圓上人

誦經千紙得爲僧塵尾持行不拂蠅古塔月高聞呪水
新壇日午見燒燈一雙童子澆紅藥百八真珠貫綵繩
且說近來心裏事仇讎相對似親朋

處州李使君改任遂州因寄贈

庭樹幾株陰入戶主人何在客聞蟬
鑰開原上高樓鎖

瓶汲池東古井泉
趣靜野禽一作因曾後到休吟鄰叟

始安眠仙都山一作弱水誰能憶西去
風濤書滿船

酬慈恩寺文郁上人

袈裟影入禁一作鏡池清猶憶鄉山近
赤城籬落罇間寒

蟹過莓苔石上晚
蛩行一作鳴期登野閣閒
應甚阻宿山

一作幽房疾未平聞說又尋南岳去
無端詩思忽然生

訪鑿玄師姪

維摩青石講初休
緣訪親宗到普州
我有軍持憑弟子
岳陽溪裏汲寒流

夜坐

蟋蟀漸多秋不淺
蟾蜍已沒夜應深
三更兩鬢幾枝雪
一念雙峰四祖心

送別

門外便伸千里別
無車不得到河梁
高樓直上百餘尺
今日爲君南望長

聞蟬感懷

新蟬忽發最高枝，不覺立聽無限時。
正遇友人來告別，

一心

一作聲

分作兩般悲

夏夜上谷宿開元寺

詩成一夜月中題，便臥松風到曙雞。
帶月時聞山鳥語，
郡城知近武陵溪。

送于總持歸京

出家初隸何方寺，上國西明御水東。
却見舊房階下樹，

別來二十一春風

崔卿池上鶴

月中時叫葉紛紛不異洞庭霜夜聞翎羽如今從放長

一作從今
如罷翦

猶能飛起向

一作上

孤雲

登田中丞高亭

高亭林表迴嵯峨獨坐秋宵不寢

一作寐

多玉兔

一作貌

玉

人歌裏出白雲難似

一作雖白

莫相和

友人婚楊氏催妝

不知今夕是何夕
催促陽臺近鏡臺
誰道芙蓉水中種
青銅鏡裏一枝開

酬朱侍御望月見寄

他寢

一作今夜

此時吾不寢
近秋三五日

一作月

逢晴

一作晴時

相

思唯有霜臺月
望盡孤光見却生

一作遲

題韋雲叟草堂

新起此

一作北

堂開北窗當窗山
隔一重江白茅草

一作

蓋 重重密愛此

一作殺

秋天夜雨淙

和韓吏部泛南溪

溪裏晚從池岸出石泉秋急夜深聞木蘭船共山人上
月映渡頭零落雲

方鏡

背如刀截機頭錦面似升量澗底泉銅雀臺南秋日後
得一作照來照去已三年

訓姚合

黍穗豆苗侵古道晴原午後早秋時故人相憶僧
一作曾

來說楊柳無風蟬滿枝

送靈應上人

遍參尊宿遊方久名岳奇峰問此公
五月半間看瀑布
青城山裏白雲中

贈丘先生

常言喫藥全勝飯華岳松邊採茯苓
神不遺髭鬚一莖白
擬爲白日上昇人

渡桑乾

客舍并州已十霜歸心日夜憶咸陽無端更渡桑乾水
却望并州是故鄉

夜期嘯客呂逸人不至

一作期呂逸人不至
一作夜期嘯客不至

逸人期宿石牀中遣我開扉對晚空不知何處嘯秋月

閒著

一作閒
一作却

松門一夜風

夜集烏行中所居

環爐促席復持杯松院雙扉向月開座上同聲半先達
名山獨入此心來

贈梁浦秀才斑竹拄杖

揀得林中最細枝
結根石上長身遲
莫嫌滴瀝紅斑少

恰似一作是湘妃淚盡時

尋石窺寺上方

野寺入時春雪後
崎嶇得到此房前
老僧不出迎朝客
已住上方三十年

早秋寄題天竺靈隱寺

峰前峰後寺新秋
絕頂高窗見沃洲
人在定中聞蟋蟀

鶴從

一作曾

棲處挂獼猴山鐘夜度空江水汀月寒生古

石樓心憶懸

一作挂

帆身未遂謝公此地昔年遊

黎陽寄姚合

魏都城裏曾遊

一作遊從

熟才子齋中止泊多去日綠楊垂

紫陌歸時白草夾

一作映

黃河新詩不覺千迴詠古鏡曾

一作重

經幾度

一作番

磨惆悵心思滑臺北滿杯濃酒與愁

和

送崔約秀才

歸寧髣髴三千里月向船窗見幾宵
野鼠獨偷高樹果前山漸見短禾苗
更深柵鎖淮波疾葦動風生雨氣遙
重入石頭城下寺南朝杉老未乾焦

詠懷

縱把書看未省勤一生生計祇長貧
可能在世無成事不覺離家作老人
中嶽深林秋獨往南原多草夜無鄰
經年抱疾誰來問野鳥相過啄木頻

夏日寄高洗馬

三十年來長在客
兩三行淚忽然垂
白衣蒼鬢經過嬾
赤日朱門偃息遲
花發應耽新熟酒
草顛還寫早朝詩
不緣馬死西州去
畫角堪聽是曉吹

送周判官元範赴越

原下相逢便別離
蟬鳴闕路使迴時
過淮漸有懸帆興
到越應將墜葉期
城上秋山生菊早
驛西寒渡落潮遲
已曾幾遍隨旌旆
去謁荒郊一作涼大禹祠

送羅少府歸牛渚

作尉長安始三日

一作三
月罷

忽思牛渚夢天台楚山遠色

獨歸去灞水空流相送回霜覆鶴身松子落月分螢影

石房開白雲多處應頻到寒澗泠泠漱

一作
澗

古苔

題童真人

江上修持積歲年灘聲未擬住潺湲誓從五十身披衲
便向三千界坐禪月峽青城那有滯天台廬岳豈無緣
昨宵忽夢遊滄海萬里波濤在目前

贈溫觀主

一別羅浮竟未還
觀深廊古院多關
君來幾日行虛洞
仙去空壇在遠山
胎息存思當黑處
井華懸綆取朝間
弊廬道室雖鄰近
自樂冬陽炙背閒

賀龐少尹除太常少卿

太白山前終日見
十旬假滿擬秋尋
中峰絕頂非無路
北闕除書阻一作入林朝謁
此時閒野屐宿齋何處止

一作鳴砧省中石磴陪隨步
唯賞煙霞不厭深

上邠寧邢司徒

箭頭破帖

一作
枯 渾全 一作

無敵杖底敲毬遠有聲馬走千

蹄朝萬乘地分三郡擁雙旌春風欲盡山花發曉角初
吹客夢驚不是邢公來鎮此長安西北未能行

欲遊嵩岳留別李少尹益

一本無
益字

孤策遲迴洛水湄孤禽嘹唳一作
曉幸人知嵩岳望中常

待我河梁欲上未題詩新秋愛月愁多雨古觀逢一作
尋

仙看盡棋微眇此來將敢問鳳凰何日定一作
始歸池

病鶻吟

俊鳥還投高處栖
騰身戛戛下雲梯
有時透霧凌空去
無事隨風入草迷
迅疾月邊捎玉兔
遲迴日裏拂金雞
不緣毛羽遭零落
焉肯雄心向爾低

贈僧

從來多一作是遊山水
省泊禪舟月下濤
初過石橋年只

尚少久辭天柱臘
應高青松帶雪懸
銅錫白髮如霜落

鐵刀常恐畫工一作師
援筆寫身長七尺
有眉毫

贈一本有翰林某字

清重無

一作可

過知內制從前禮絕外庭人看花在處多

隨駕召宴無時不及

一作親

身馬自賜來騎覺穩詩緣見

徹語長

一作當

新應憐獨向名場苦曾十餘年浪過

一作度

春

頌德上賈常侍

邊臣說使朝天子發語轟然激夏雷高節羽書期獨傳
分符絳郡滯長材啁啾鳥恐鷹鷂起流散人歸父母來
自顧此身無所立恭談祖德朶頤開

田將軍書院

滿庭花木半新栽石自平湖遠岸來
筍迸鄰家還長竹地經山雨幾層苔
井當深夜泉微上閣入高秋戶盡開
行背曲江誰到此琴書鎖著未朝迴

投龐少尹

閉戶息機搔白首中庭一樹有清陰
年年不改風塵趣日日轉多泉石心
病起望山臺上立覺來聽雨燭前吟
龐公相識元和歲眷分依依直至今

夏夜登南樓

水岸寒

一作閣

樓帶月躋夏林初見岳陽溪一點新螢報

秋信不知何處

一作樹

是菩提

題青龍寺

碣石山人一軸詩終南山北數人知
擬看青龍寺裏月待無一點夜雲時

贈李文通

營當萬勝岡頭下誓立千年不朽功
天子手擎新鉞斧

諫官請贈李文通

題號州三堂贈吳郎中

一作題號州
吳郎中三堂

無窮草樹昔誰栽
新起臨湖白石臺
半岬泥沙孤鶴立
三堂風雨四門開
荷翻團一作露驚秋
近柳轉斜陽過
水來昨夜北樓堪
朗詠號城初鎖月
裴回

送僧

池上時時松雪落
焚香煙起見孤燈
靜夜憶誰來對坐
曲江南岸寺中僧

三月晦日贈劉評事

三月正

一作更

當三十日風

一作春

先別我苦吟身共君今

夜不須睡

一作寢

未到曉鐘猶

一作五更還

是春

送張道者

新歲抱琴何處去
洛陽三十六峰西
生來未識山人面
不得一聽烏夜啼

題魚尊師院

老子堂前花萬樹
先生曾見幾迴春
夜煎白石平明喫

不擬教人哭此身

宿村家亭子

一作宿杜司空東亭
一作題杜司戶亭子

牀頭枕是溪中石井底泉通竹下池
宿客未眠過夜半

一作當
半夜獨聞山雨到來時

送稱上人

歸蜀擬從巫峽過何時得入舊房禪
寺中來後誰身化
起塔栽松向野田

楊祕書新居

城角新居鄰靜寺時從新閣上經樓南山泉入宮中去
先向詩人門外流

聽樂山人彈易水

朱絲弦底燕泉急燕將雲孫白日彈嬴氏歸山陵已掘
聲聲猶帶髮衝冠

經蘇秦墓

沙埋古篆折碑文六國興亡事繫

一作計

君今日淒涼無

處說亂山秋盡有寒雲

題戴勝

星點花冠道士衣
紫陽宮女化身飛
能傳上界春消息
若到蓬山莫放歸

題隱者居

雖有柴門常不關
片雲孤木伴身閒
猶嫌住久人知處
見擬移家更上山

哭孟東野

蘭無香氣鶴無聲
哭盡秋天月不明
自從東野先生死

側近雲山得散行

過京索先生墳

京索先生三尺墳
秋風漠漠吐寒雲
從來有恨君多哭
今日何人更哭君

客思

促織聲尖尖似針
更深刺著旅人心
獨言獨語月明裏
驚覺眠童與宿禽

鹽池院觀鹿

金夕日人... 卷五百七十四
條峰五老勢相連此鹿來從若箇邊別有野麋人不見
一生長飲白雲泉

黃鵠下太液池

高飛空外鵠下向禁中池岸印行蹤淺波搖立影危來
從千里島舞拂萬年枝踉蹌孤風起裴回水沫移幽音
清露滴野性白雲隨太液無彈射靈禽翅不垂

代舊將

舊事說如夢誰當信老夫戰場幾處在部曲一人無落

日收病

一作疲

馬晴天驪陣圖猶希聖朝用自鑷白髭鬚

老将

膽壯亂鬚白金瘡壺百骸旌旗猶入夢歌舞不開懷燕
雀來鷹架塵埃滿箭靫自誇勲業重開府是官階

春行

去去行人遠塵隨馬不窮旅情斜日後春色早煙中流
水穿空館閒花發故宮舊鄉千里思池上綠楊風

題鄭常侍廳前竹

綠竹臨詩酒嬋娟思不窮
亂枝低積雪繁葉亞寒風
蕭颺疑泉過縈迴有逕通
侵庭根出土隔壁筍成叢
疎影紗窗外清音寶瑟中
卷簾終日看欹枕幾秋同
萬頃歌王子千竿伴阮公
露光憐片片雨潤愛濛濛
嶰谷蠻湖北湘川瀟水東
何如軒檻側蒼翠裊長空

早行

早起赴前程鄰雞尚未鳴
主人燈下別羸馬暗中行
蹋石新霜滑穿林宿鳥驚
遠山鐘動後曙色漸分明

送人南歸

分手向天涯迢迢泛海波雖然南地遠見說北人多山
暖花常發秋深鴈不過炎方饒勝事此去莫蹉跎

送人南遊

此別天涯遠孤舟泛海中夜行常認火帆去每因風變
國人多富炎方語不同鴈飛難度嶺書信若爲通

送道者

獨向山中見今朝又別離一心無挂住萬里獨何之到

處絕煙火逢人話古時此行無弟子白犬自相隨

風蟬

風蟬旦夕鳴伴葉送新聲故里客歸盡水邊身獨行
噪軒高樹合驚枕暮山橫聽處無人見塵埃滿甑生

清明日園林寄友人

今日清明節園林勝事偏晴風吹柳絮新火起廚煙
杜草開三逕文章憶二賢幾時能命駕對酒落花前

上杜駙馬

玉山突兀壓乾坤，出得朱門入戟門。
妻是九重天子女，身爲一品令公孫。
鴛鴦殿裏參皇后，龍鳳堂前賀至尊。
今日灃陽非久駐，佇爲霖雨拜新恩。

蓮峰歌

錦礫潺湲玉溪水，曉來微雨藤花紫。
冉冉山雞紅尾長，一聲樵斧驚飛起。
松刺梳空石差一作齒，煙香一作風。
軟人參蕊陽崖，一夢伴雲根。
仙茵靈芝夢魂裏。

壯士吟

壯士不曾悲悲

一作去

即無回期如何易水上未歌先淚

垂

題興化園亭

破却千家作一池不栽桃李種薔薇薔薇花落秋風起
荆棘滿庭君始知

竹

籬外清陰接藥欄曉風交戛碧琅玕子猷沒後知音少
粉節霜筠漫歲寒

李斯井

井存上蔡南門外置此井時來相秦斷綆數尋垂古甃
取將寒水是何人

題詩後

鳥吟成獨行潭底影數息
樹邊身二句下注此一絕

二句三年得一吟雙淚流知音如不賞歸臥故山秋

送友人之南陵

莫歎徒勞向宦途不羣氣岸有誰如南陵暫掌仇香印
北闕終行賈誼書好趨江山尋勝境莫辭韋杜別幽居

少年躍馬同心使，免得詩中道跨驢。

尋人不遇

一作
寄人

聞說到揚州，吹簫有舊游。人來多不見，莫是上迷樓。

尋隱者不遇

一作孫革訪
羊尊師詩

松下問童子，言師採藥去。只在此山中，雲深不知處。

行次漢上

習家池沼草萋萋，嵐樹光中信馬蹄。漢主廟前湘水碧，一聲風角夕陽低。

馬嵬

長川幾處樹青青
驛危樓對翠屏
一自上皇惆悵後
至今來往馬蹄腥

冬夜送人

平明走馬上村橋
花落梅溪雪未消
日短天寒愁送客
楚山無限路迢迢

句

晴風吹柳絮
新火起廚烟

見事文類聚

長江風送客孤館

雨留人

見楊升
卷集

古岸崩將盡平沙長未休

見吟窗
雜錄

不如牛與羊猶得日暮歸

見紀
事

御定全唐詩卷五百七十四

欽定四庫全書薈要卷一萬七千九百八十

集部

御定全唐詩卷五百七十五

溫庭筠

溫庭筠本名岐字飛卿太原人宰相彥博裔孫少敏悟才思豔麗韻格清拔工為詞章小賦與李商隱皆有名稱溫李然行無檢幅數舉進士不第思神速每入試押官韻作賦凡八义手而成時號溫八义徐商鎮襄陽署為巡官不得志去歸江東後商知政事頗右之欲白用

會商罷相揚收疾之貶方城尉再遷隋縣尉卒集二十八卷今編詩為九卷

雞鳴埭曲

南朝天子射雉時
銀河耿耿星參差
銅壺漏斷夢初覺
寶馬塵高人未知
魚躍蓮東蕩宮沼
濛濛御柳懸棲鳥
紅妝萬戶鏡中春
碧樹一聲天下曉
盤踞勢窮三百年
朱方殺氣成愁煙
彗星拂地浪連海
戰鼓渡江塵漲天
繡龍畫雉填宮井
野火風驅燒九鼎
殿巢江燕砌生蒿

十二金人霜炯炯
半綿平綠臺城基
暖色春容一作空
荒

古陂寧知玉樹後
庭曲留待野棠如雪枝

織錦詞

丁東一作冬細漏侵瓊一作瑤瑟影轉高梧
月初出簇簌金

梭萬縷紅鴛鴦艷錦初成匹一作疋錦中百結皆同心
藥

亂雲盤相間深此意欲傳傳不得
玫瑰作柱朱弦琴為

君裁破合歡被星斗迢迢一作寥寥共千里象尺一作齒熏爐

未覺秋碧池已一作中有新蓮子

夜宴謠

長釵墜髮雙蜻蜓碧盡山斜開畫屏虬鬚

一作顯

公子五

侯客一飲千鍾如建瓴鸞咽妣

恥一作妖一作妣

唱圓無

節眉歛湘煙袖迴雪清夜思情四座同莫令溝水東西

別亭亭蠟淚香珠殘

一作濺

暗露曉

一作小

風羅幕寒飄飄

一作

飄戟帶儼相次二十四枝龍畫竿裂管縈弦共繁曲芳

樽細浪傾春醪高樓客散杏花多脉脉新蟾如瞪目

蓮浦謠

鳴橈軋軋溪溶溶廢綠平煙吳苑東水清蓮媚兩相向
鏡裏見愁愁更紅白馬金鞭一作鞍大堤上西江日夕多
風浪荷心有露似驪珠不是真圓亦搖蕩

郭處士擊甌歌

估粟金虬石潭古勺陂漱

澹一作

濫幽修語湘君寶馬上

神雲碎佩叢鈴滿煙雨吾聞三十六宮花離離軟風吹
春星斗稀玉晨冷磬破昏夢天一作木露未乾香著衣蘭

釵委墜垂雲髮小響丁當逐迴雪晴碧煙滋重疊山羅

屏半掩桃花月太平天子駐雲車龍鑪勃鬱雙蟠拏宮
中近臣抱扇立侍女低鬟落翠花亂珠觸續正跳蕩傾
頭不覺金烏斜我亦為君長歎息緘情遠寄愁無色莫
霑香夢綠楊絲千里春風正無力

遐水謠

天兵九月渡遐水馬踏沙鳴驚雁

一作雁聲

起殺氣空高萬

里情塞寒如箭傷

一作雙

眸子狼煙堡上霜漫漫枯葉號

一作風

風天地乾犀帶鼠裘無暖色清光炯冷黃金鞍虜

塵如霧昏

一作
罩

亭障隴首年年漢飛將麟閣無名期未

歸樓中思婦徒相望

曉仙謠

玉妃喚月歸海宮月色澹白涵春空銀河欲轉星靨靨

碧一作
雪

浪疊山埋早紅宮花有露如新淚小苑叢叢

一作

茸茸入寒翠綺閣空傳唱漏聲網軒未辨凌雲字遙遙珠

帳連湘煙鶴扇

一作
羽

如霜金骨仙碧簫曲盡彩霞動下

視九州皆悄然秦王女騎紅尾鳳半

一作
乘

空回首晨雞

弄霧

一作露

蓋狂塵億兆

一作萬

家世人猶作牽情夢

錦城曲

蜀山攢黛留晴雪
簦笋蕨芽縈九折
江風吹巧剪霞綃
花上千枝杜鵑血
杜鵑飛入巖下叢
夜叫思歸山月中
巴水漾情情不盡
文君織得春機紅
怨魄未歸芳草死
江頭學種相思子
樹成寄與望鄉人
白帝荒城

一作荒城

五

千里

生襟屏風歌

玉墀暗接崑崙井井上無人金索冷畫壁陰森九子堂
階前細一作碎月鋪花影繡屏銀鴨香翁濛天上夢歸花
繞叢宜男漫作後庭草不似櫻桃千子紅

朝春風

春風何處好別殿饒芳草再嬾轉鸞旗萎蕤吹雉葆揚
芳歷九門澹蕩入蘭蓀爭奈白團扇時時偷主恩

舞衣曲

藕腸纖縷抽輕春煙機漠漠嬌娥一作蛾頓金梭浙瀝透空

薄剪落交刀

一作
鮫綃

吹斷雲張家公子夜聞雨夜向蘭堂

思楚舞蟬衫麟帶壓愁香偷得鶯簧

一作
黃鶯

鍊
銷 一作

金縷

管含蘭氣嬌語悲胡槽雪腕鴛鴦絲芙蓉力弱應難定
楊柳風多不自持迴嚔笑語西窗客星斗寥寥波脉脉
不逐秦王卷象林滿樓明月梨花白

張靜婉採蓮歌

并序

靜婉羊侃妓也其容絕世侃自為採蓮二曲今樂
府所存失其故意因歌以俟採詩者事具載梁史

蘭膏墜髮紅玉春燕釵拖頸拋盤雲城邊

一作西

揚柳向

嬌

一作橋

晚門前溝水波粼粼麒麟公子朝天客珂

一作佩

馬璫璫

一作堂堂一作當當

度春陌掌中無力舞衣輕剪斷鮫綃

一作鮫

破春碧抱月飄煙一尺腰麝臍龍髓

一作腦

憐嬌嬌

秋羅拂水

一作衣

碎光動露重花多香不銷灘鶉交交

一作

膠膠塘水滿綠芒

一作萍

如金

粟蓮莖短一夜西風送雨

來粉痕零落愁紅淺船頭折藕絲暗牽藕根蓮子相留

連郎心似月月未

一作易

缺十五十六清光圓

湘宮人歌

池塘芳草濕夜半東風起生綠畫羅屏金壺貯春水黃

粉楚宮人芳花

一作方飛

玉刻鱗娟娟照碁

一作臺

燭不語兩

含顰

黃曇子歌

參差綠蒲短搖艷雲

一作春

塘滿紅湫蕩融融鶯翁鷓鴣

暖萋芊小成

一作城

路馬上修蛾嬾羅衫裏回

一作向

風點

粉金鸝卵

感策歌

李相妓
人吹

蠟煙如燵新蟾滿門外平沙

一作沙平

草芽短黑頭丞相九

天歸夜聽飛瓊吹朔管情遠氣調蘭蕙薰天香瑞彩含

綰緼皓然纖指都揭血日暖碧霄無片雲含商咀徵雙

幽咽軟縠踈羅共蕭屑不盡長圓疊翠

一作彩

愁柳風吹

破澄潭月鳴梭浙瀝金絲藥恨語殷勤隴頭水漢將營

前萬里沙更深一一霜鴻起十二樓前花正繁交枝簇

帶連壁門景陽宮女正愁絕莫使此聲催斷魂

照影曲

景陽妝罷瓊窗暖欲照澄明香步嬾橋上衣多抱彩雲

金鱗

一作鮮

不動春塘滿黃印額山輕為塵翠鱗

一作鮮紅

穉俱含嚙桃花百媚如欲語曾為

一作謂

無雙今兩身

拂舞詞

一作公無渡河

黃河怒浪連天來大響砢砢

一作肱肱

如殷雷龍伯驅風不

敢上百川噴雪高崔嵬二十三

一作五

弦何太哀請公勿

一作莫

渡立徘徊下有狂蛟鋸為尾裂帆截擢磨霜齒神

推鑿石塞神潭白馬趨
趨赤塵起公乎躍馬揚玉鞭滅
沒高蹄日千里

太液池歌

腥鮮龍氣連清防花風漾漾吹細光
疊瀾不定照天井
倒影蕩搖漾一作漾晴翠長平碧
淺春生綠塘雲容雨態連

青一作春蒼夜深銀漢通
柏梁二十八宿朝玉堂

雉場歌

芟葉萋萋接煙曙一作樹雞鳴埭上梨花露
彩仗鏘鏘已

合圍繡翎白頸遙相妬
雕尾扇張金縷高碎鈴
素拂驪

駒豪綠場紅跡未

一作來

相接箭發銅

一作狼

牙傷彩毛麥

隴桑陰小山晚六虬

一作叫

歸去凝笳遠城頭却望幾含情

青

一作春

畝春

一作青

蕪連石

一作古

苑

雍臺歌

太子池南樓百尺入

一作八

窗新樹踈簾隔黃金鋪首畫

鈎陳羽葆停幢

一作亭童

拂交戟盤紆闌楯臨高臺帳殿

一作

帳殿臨流鸞扇開早雁驚

一作聲

鳴細波起映花鹵簿龍飛

迴

吳苑行

錦雉雙飛梅結子平春遠綠牕中起吳江澹畫水連空
三尺屏風隔千里小苑有門紅一作門扇開天絲舞蝶共

一作俱徘徊綺戶雕楹長若此韶光歲歲如歸來

常林歡歌

宜城酒熟花覆橋沙晴綠鳴鳴咬咬一作交交穠桑繞舍麥

如尾幽軋鳴機雙燕巢馬聲特特荆門道蠻水揚光色

如草錦薦金爐夢正長東家伊

一作
呢

喔雞鳴早

塞寒行

燕弓弦勁霜封瓦撲簌寒鷗睇平野一點黃塵起鴈喧

白龍堆下千蹄馬河源怒濁

一作觸
一作激

風如刀剪斷朔雲

天更高晚出榆關

一作
林

逐征北驚沙飛迸衝貂

一作
征袍

心許凌煙名不滅年年錦字傷離別彩毫一畫竟何榮

空

一作
長

使青樓淚

一作
泣

成血

湖陰詞

并序

王敦舉兵至湖陰明帝微行視其營伍由是樂府
有湖陰曲而亡其詞因作而附之

祖龍黃鬚珊瑚鞭鐵驄金面青連錢虎髯

一作須

拔劍欲

成夢日壓賊營如血鮮海旗風急驚眠起甲重光搖照
湖水蒼黃追騎塵外歸森索妖星陣前死五陵愁碧春
萋萋霸川玉馬空中嘶羽書如電入青璫雪腕如槌催
畫鞞白虬

一作蚪

天子金煌

一作鎗

銑高臨帝座迴龍章吳

波不動楚山晚花壓闌干春晝長

蔣侯神歌

楚神鐵馬金鳴珂夜動蛟潭生素波商風刮水報西帝

廟前古樹蟠白虵吳王赤斧斫

一作斫

雲陣畫堂列壁叢

一作戟排

霜刃巫娥傳意托悲絲鐸語琅琅理雙鬢湘煙刷

翠湘山斜東方日出飛神鴉青雲自有黑龍子潘妃莫

結丁香花

漢皇迎春詞

春草芊芊晴掃

一作拂

煙宮城大錦紅殷

於間反

鮮海日初

如一作融照仙掌淮王小隊一作墜一作纓鈴響獵獵東風燄赤

一作展一作燄旗畫神金甲葱龍網鉅公步輦迎句芒複道掃一作

拂塵燕一作鷹一作琴一作簏一作長豹尾竿前趙飛燕柳風吹盡眉

間黃碧草含情杏花喜上林鶯囀遊絲起寶馬搖環萬騎
歸思光暗入簾櫳裏

御定全唐詩卷五百七十五

欽定四庫全書薈要卷一萬七千九百八十一集部

御定全唐詩卷五百七十六

溫庭筠

蘭塘詞

塘水汪汪鳧唼喋憶上江南木蘭檝繡頸一作領金鬚蕩

倒光團團鰕綠雞頭葉露凝荷卷珠靜圓紫菱刺短浮

根纏一作綿小姑歸晚紅妝淺鏡裏芙蓉照水鮮東溝

瀟瀟一作縞勞迴首欲寄一杯瓊液酒知道無郎却有情

長教月照相思柳

晚歸曲

格格水禽飛帶波孤光斜起夕陽多湖西山淺似相笑

菱刺惹衣攢黛蛾青絲繫船一作舟向江木一作水蘭芽出

土吳江曲水極晴搖泛濫紅草平春染煙綿綠玉鞭騎

馬揚叛一作白玉兒刻金作鳳光參差丁丁暖漏滴花影催

入景陽人不知彎堤弱柳遙相矚雀扇團一作圓圓掩香

玉蓮塘艇子歸不歸一作得柳暗桑穠聞布穀

故城曲

漠漠沙堤煙堤西雉子斑雉聲何角角

音谷

麥秀桑陰閒

遊絲蕩平綠明滅時相續白馬金絡頭東風故城曲故

城殷貴嬪曾占未來

一作央

春自從香骨化飛作馬蹄塵

昆明池

一作治

水戰詞

汪汪積水光連

一作連碧

空重疊細紋晴漾

一作作交激

紅赤

帝龍孫鱗甲怒臨流一盼

一作時

生陰風鼉鼓三聲報天

子雕旌

一作旗

獸艦凌波起雷吼濤驚白石

一作若

山石鯨

眼裂蟠蛟死溟

一作溟

池海浦俱

一作浪相

喧壓青幟白旌

一作

青翰畫鷁

相次來箭羽槍纓三百萬踏翻西海生塵埃茂陵

仙去菱花老嗷嗷遊魚近煙島渺莽殘陽釣艇歸綠頭
江鴨眠沙草

謝公墅歌

朱雀航南繞香陌謝郎東墅連春碧鳩眠高柳日方融
綺榭飄颻紫庭客文楸方罫花參差心陣未成星滿池
四座無喧梧竹靜金蟬玉柄俱持

一作支

頤對局含情

一作

頤
見千里都城已得長
虵尾江南王氣繫
踈襟未許符
堅過淮水

罩魚歌 雜言

朝罩罩城南 一作東 暮罩罩城西
兩槳鳴幽幽 蓮子相高

低持罩入深水 金鱗大如手
魚尾迸圓波 千珠落湘藕

風颭颭 雨離離 菱尖茭刺 一作茭茭 刺三字句
鷓鴣飛水連網眼

白如影 淅瀝篷聲寒 點微楚岸有花花
蓋屋金塘柳色

前溪曲 悠溶 一作悠 杳若去無窮
五色澄潭鴨頭綠

春洲曲

韶光染色如蛾翠，綠濕紅鮮水容媚。
蘇小慵多蘭渚閒，融融浦日鷓鴣寐。
紫騮蹀躞金銜嘶，岸上揚鞭煙草迷。
門外平橋連柳堤，歸來晚樹黃鶯啼。

臺城曉朝曲

司馬門前火一作柳，千炬闌干星一作北。
斗天將曙朱網龕。

鬢一作驂，丞相車曉隨。疊鼓朝天去，博山鏡樹香。
羊茸裏

裏浮航，金畫龍。大江斂勢避辰極，兩一作雙闕深嚴煙翠。

濃

走馬樓三更曲

春姿暖氣昏神沼
李樹拳枝紫芽小
玉皇夜入未央宮
長火千條照棲鳥
馬過平橋通畫堂
虎幡一作幡龍戟風

飄一作悠

揚簾間一作前

清唱報寒點
丙舍無人遺燼香

達摩

一作磨

支曲

雜言

擣麝成塵香不滅
拘蓮作寸絲
難絕紅淚文姬洛水春
白頭蘇武天山雪
君不見無愁高緯花
漫漫漳浦宴餘

清露寒一旦臣僚共囚虜欲吹羗管先汎瀾舊臣頭鬢

霜華

一作雪

早可惜雄心醉中老萬古春歸夢不歸鄴城

風雨連天草

陽春曲

雲母空窗曉煙薄香昏龍氣凝暉閣霏霏霧雨杏花天

簾外春威

一作寒

著羅幕曲闌伏檻金麒麟沙苑芳郊連

翠茵廢馬何能啣芳草路人不敢隨流塵

湘東宴曲

湘東夜宴金貂人楚女含情嬌翠頰玉管將吹插鈿帶
錦囊斜拂雙麒麟重城漏斷孤帆去唯恐瓊籤報天曙
萬戶沈沈碧樹圓雲飛雨散知何處欲上香車俱脉脉
清歌響斷銀屏隔堤外紅塵蠟一作蜜炬歸樓前淡月連

江白

東郊行

鬪雞臺下東西道柳覆班駮蝶縈草塊靄韶容鎖澹愁

青筐葉盡蠶應

一作春蠶

老綠渚幽香生

一作注

白蘋差差小

浪吹魚鱗王孫騎馬有歸意

一作思

林彩着空

一作空中

如細

塵安得人

一作一

生各相守燒船破棧休馳

一作狂

走世上

方

一作多

應無別離路傍更長千株柳

水仙謠

水客夜騎紅鯉魚赤鸞雙鶴蓬瀛書輕塵不起雨新霽

萬里孤光含碧虛露魄

一作晃

冠輕見雲髮寒絲七炷

一作

柱香泉咽夜深天碧亂山姿光碎平

一作玉

波滿船月

東峯歌

錦礫潺湲玉溪水曉來微雨藤一作蕉花紫冉冉山雞紅

尾長一聲樵斧驚飛起松刺梳一作流空石差齒煙香風

軟人參藥陽崖一夢伴雲根仙菌靈芝夢魂裏

會昌丙寅豐歲歌

雜言

丙寅歲休牛馬風如吹煙日如渥赭九重天子調天下
春綠將年到西野西野翁生兒童門前好樹青茸茸
茸單衣麥田路村南娶婦桃花紅新姑車右一作石及門

柱粉項一作頸韓憑雙扇中喜氣自能成歲豐農祥爾物

勿一作來爭功

碌碌古詞

左亦不碌碌右亦不碌碌野草自

一作著根肥羸牛生

健犢融蠟作杏蒂男兒不戀家春風破紅意女頰如桃

花忠言未

一作不

見信巧語翻咨嗟一鞘無

一作沒

兩刃

一作

刀徒勞油壁車

春野行

雜言

草淺淺春如剪花壓李娘愁饑蠶欲成繭東城年少

一作

年少氣堂堂金丸驚起雙鴛鴦含羞更問衛公子月到枕

前

一作邊

春夢長

醉歌

簷柳初黃燕新

一作初

乳曉碧芊綿過微雨樹色深含臺

榭情鶯聲巧作煙花主錦袍公子陳杯觴撥醅百甕春

酒香入門下馬問誰在降階握手登華堂臨邛美人連

山眉低抱琵琶含怨思朔風繞指我先笑明月入懷君

自知勸君莫惜金

一作芳

樽酒年少須臾如覆手辛勤到

老慕簞瓢於我悠悠竟何有洛陽盧仝

一作生

稱文房妻

子脚秃春黃糧阿耆光顏不識字指麾豪俊如驅羊天

犀壓斷朱鼉

一作鼉

鼠瑞錦驚飛金鳳皇其餘豈足霑牙

齒欲用何能報天子駑馬垂頭搶暝塵驂騑一日行千

里但有沈冥醉客家支頤瞪目持流霞唯恐南園風雨

落

一作作

碧蕪狼籍棠梨花

江南曲

妾家白蘋浦日上芙蓉檝
軋軋搖檣聲移舟入茭葉溪

長菱葉深作底難相尋避郎郎不見鷓鴣自浮沈拾萍
萍無根採蓮蓮有子不作浮萍生寧為一作藕花死岸

傍騎馬郎烏帽紫遊韁含愁復含笑回首問橫塘妾住

金陵浦一作步門前朱雀航流蘇持作帳芙蓉持作梁出

入金犢幃兄弟侍中郎前年學歌舞定得郎相許連娟

眉繞山依約腰如杵一作柳鳳管悲若咽鸞弦嬌欲語扇

薄露紅鉛羅輕壓金縷明月西南樓珠簾瑤珞鉤橫波

巧能一作相笑彎蛾不識愁花開子留樹草長根依土早

上一作聞金溝遠底事歸郎許不學楊白花

一作楊花白
一作閨中婦

朝朝淚如雨

堂堂

一作
錢唐曲

錢唐岸上春如織
森森寒潮帶晴色
淮南遊客馬連一作

頻嘶碧草迷人歸
不得風飄客意一作思
如吹煙織指殷

勤傷雁弦一曲堂堂紅燭筵長一作金
鯨瀉酒如飛泉

惜春詞

百舌問花花不語
低迴似恨橫塘雨
蜂爭粉蘂蝶分香

不似垂楊惜金縷願君

一作言

留得長妖韶莫逐東風還

蕩搖秦女含嚔向煙月愁紅帶露空迢迢

一作寥寥

春愁曲

紅絲穿露珠簾冷百尺啞啞下纖綆遠翠愁山入臥屏

兩重雲母空烘影涼簪墜髮春眠重玉兔煖香

一作氤氳柳

如夢錦疊空牀委墮

一作墜

紅颺颺掃尾雙金鳳蜂喧蝶

駐俱

一作戲

悠揚柳拂赤欄纖草長覺後梨花委平綠春

風和雨吹池塘

蘇小小歌

買蓮莫破券買酒莫解金酒裏春容抱離恨水中蓮子
懷芳心吳宮女兒腰似東家在一作錢唐小江曲一自
檀郎逐便風門前春水年年綠

春江花月夜詞

玉樹歌闌海雲黑花庭忽作青蕪國秦淮有水水無情
還向金陵漾春色楊家二世安九重不御華芝嫌六龍
百幅錦帆風力滿連天展盡金芙蓉珠翠丁星復明滅

龍頭劈浪哀茄發千里涵空澄一作照水魂萬枝破鼻飄

一作團香雪漏轉霞高滄海西頗黎一作琉璃枕上聞天雞蠻

弦代寫一作雁曲如語一醉昏昏天下迷四方傾一作瀕動

煙一作風塵起猶在濃香一作團夢魂裏後主荒宮有曉鶯

飛來只隔西江水

懊惱曲

藕絲作線難勝鍼藻粉染黃那得深玉白蘭芳不相顧

青一作紅樓一笑輕千金莫言自古皆如此健劔荆鐘

鉛繞指三秋庭綠盡迎霜惟有荷花守紅死廬

一作西江

小吏朱斑輪柳縷吐芽香玉春

一作新

兩股金釵已相許

不令獨作空成

一作城

塵悠悠楚水流如馬恨紫愁紅滿

平野野土千年怨不平至今燒作鴛鴦瓦

三洲詞

團圓

一作團

莫作波中月潔白莫

一作無

為枝上雪月隨波

動碎潏潏雪似梅花不堪折李娘十六青絲髮畫帶雙

花為君結門前有路輕

一作生

別離唯

一作只


恐歸來舊香

滅

御定全唐詩卷五百七十六

謹案卷五百七十五第五頁後六行張靜婉採蓮
歌按飛卿集歌作曲





總校官庶吉士 臣張能照

校對官檢討 臣蕭九成

謄錄監生 臣朱文佐

謄錄監生 臣劉天蒼